

Parare Domino Plebem Perfectam

A lokisetse Morena Sechaba se phethehileng (Luka 1,17)

# Moeletsi oa Basotho

www.moeletsiobasotho.co.ls

ABC e eme  
tlhopho-bocheng



2

'Muso o sebelisa

M31, 000 000.00

5



Tšoaetso  
e theoha  
ka 78%

6



8

# TSA LE NYA EA LA KOLOBA

www.moeletsiobasotho.co.ls



KETEKELO EA LILEMO TSE MAKHOLO A  
MABELI SECHABA SA BASOTHO SE THEILOE

+266 28 350 466/  
+266 6260 09 WhatsApp  
newsroom@moeletsiobasotho.co.ls

#PARARE DOMINO PLEBEM PERFECTAM

# MOELETSI

## Ho kubutoa'ng?

Kannete re leboha naha ha e le mona ho bonahala litšoetso tsa lefu la HIV/AIDS li tlalehoa li theohile ho feta halofo kaofela. Hona ke boiphihlelo le tšebetso e kholo ho Lekala la Bophelo 'moho le mafapha ohle a amehang. Leha ho le joalo, tlaleho e bontša qholotso e kholo e le banna ba sa rateng ho tseba boemo ba bona ebe ba kena likamanong tsa marato le bana ba banyenyane lilemo. Sena se nyolla sekahla sa tšoaetso ho bacha bana ba lebetseng ho rutoa tse molemo ho tsoa ho baholo ba bona. Lefu la HIV/AIDS le ile la fihla ka sekho se sehlo hoo batho ba neng ba iphumana ba e-na le lona ba hobosoa, ebe ba qetella ba ipata ba sa ee le litsing ho nka litlhare. Ntho eo e se e kokobetse 'me bongata ba batho ba se ba inoella litlhare tsa bona ka bolokolohi. Ho bohle ba ntseng ba ikutloa eka ke mekhelo ho noa litlhare ba etse lipatlisiso 'me ba tla fumana tšebetso, ba ka etela marang-rang ho sheba batho ba phelang le tšoaetso 'me ba nka malebela ho bona.

Lona bo-ntate ak'u emiseng ho senyetsa bana bao bokamoso, ekaba ha u le ntate u ka utloa ho le joang ha monna e mong a ka senyeha morali'ao bokamoso? Ha le ka isa maemo ana ka ho lona le tla emisa ho etsa liketso tse ntle tse hlabisang lihlohong, ebe le qalella ho hlokomela bophelo ba lona ka ho etela Litsing tsa Bophelo ho ntlafatsa bophelo ba lona. Joalokaha bo-ntate e le lihlooho tsa malapa, a sireletseng haholo litholoana tseo tsa bocha; e leng baetapele le batsoali ba kamoso.

Komisi e thehiloeng ho etsa lipatlisiso mabapi le litlhokofatso tse ileng tsa etsetsoa batšoaruoa, e ntse e tsoelapele 'me Letona la Toka le Molao le bontša ha li- ofisiri tsa Litsi tsa Tlhabollo ea Batšoaruoa (LCS), li ip- hapanyelitse ho fana ka litlaleho mabapi le liketso tse ntle tse sooto. Bookameli ba LCS bo neng bo tšoanela hore ebe bo ile ba tlalehela sechaba bo hlotsoe ho etsa boi- karabelo ba bona, hoo ho ileng ha qosa letona ho etsa mosebetsi oo. Ho feta moo bona bookameli ha bo e-s'o fe letona tlaleho e ngotsoeng, ntle le haeba bo nka ea molmo kapa ea mohala oa thekeng e se e le eona tlale- ho. Ho pota-pota hona ho fa letona khoaho ea hore ho na le ntho e kholo e patoang kahar'a LCS.

Lefatšeng lena leo re phelang ho lona la lekanyane ho phela le liretse, ho ntse ho e-na le batho ba nahanelang ba bang. Basotho ba sitoang ho shebella baahisane 'moho le bona ba phela ka tlhopheho empa ba ka etsa letsoho la monna. Mokhatlo oa BMDF o fane ka lieta ho baithuti Seterekeng sa Quthing litikolohong tse fapa- kaneng, e le hore ba tseba ho ntšetsa thuto ea bona pele. Ho boetse hape ho na le mosali oa Mosotho ea itlammeng mala-masesane ho phalella banana ka me- sangoana ha ba ile linakong tsa bona. E mong oa ba fumaneng o fane ka liteboho 'me a o supa hore o ne a e-na le ho nka beke kaofela a sa ee sekolong ka lebaka la bohloeki, le ho hlajoa ke lithong hape mohlomong. Joaloka Maafrika ho na le ntho tseo re li nyelisang ntle ho mabaka empa e le karolo ea bophelo ba letsatsi le letsatsi, ke thapeli ke hona hore ena e ke ebe ea tse ling tse kenellang ho tse amoheloang.

# ABC e eme tlhopho-bocheng

polelong e ntšitsoeng ke Komiti e Kholo ea ABC, ka la 31 Phupu monon- goaha.

O re ba phatlaetsa sechaba hore esale ba behile litaba tse ntle leih- lo, ho li tšehetsa le ho soaea mohlare moo li sa tšoaroeng hantle, ka hoo ba tla tšehetsa litšoantšo tsa molao hore li fete, e le hore naha e be le khotso le botsitso. Leha ho le joalo, o re ba tla sebetsa lihloathiso tsa molao tse ka pela para- mente kannete eohle ba ipapisitse le maikutlo a sechaba se ba romileng paramenteng molemong oa hore tlhopho-bocha e tsoele naha molemo

O re naha ea Lesotho esale e aparetsoe ke tl- hokahalo ea botsitso ho tloha khale 'meka sele- mo sa 2013 Mokhatlo

mo sa 2017 ha ho qetoa ho thehoa 'muso o mong o mocha oa kopanelo o neng o eteletsoepele ke ABC ba ile ba potlakisa leeto la tlhopho-bocha.

A re ka khoeli ea Pha- to 2017 'Muso oa ABC o ile oa theha moifo o ileng oa etsa lenane leo la moralo oa tšebetso le ile la reoa; "Lesotho leo re le hlokang". Moralo oo o ile oa ananeloa ke Lek- hotla la Matona ka la 30 Pulungoana 2017, tlasa boetapele ba Tona-Kholo ea nako eo Dr. Motsoa- hae Thomas Thabane le ho ananeloa phuthehong ea Lihlooho tsa Linaha le Mebuso ka selemo sa 2018.

Ho feta mona o re ka khoeli ea Phato 2018, 'muso oo ka litherisano le boetapele ba sechaba o ile oa theha komiti e neng

### Nthabeleng Seithleko

**M**ongoli oa Liphatlalatso Komiting e Kholo ea Kobo-Tata (ABC) Mpho- nyane Lebesa, o re litho tsohle tsa paramente tsa ABC li tla tšehetsa tl- hopho-bocha, molemong oa khotso le botsitso tsa naha le ho phethahatsa mosebetsi o qaliloeng ke bona nakong eo e neng e le boetapele ba puso. Tseno li hlahelletse



Contacts: +266 28350 466 / 6260 0983 (Whats app)  
Email: moeletsioabasotho@gmail.com

**MOELETSI oa BASOTHO**  
A LOKISETSE MORINA SECHABA DE PHETHOPELENG (LAKHE 1:17)

#### Editorial

Lesoetsa Rakubutu (Editor)  
(+266) 58490670 / 62031949  
editor@moeletsioabasotho.co.ls

Lehlohonolo Mohale (Sub-editor)  
(+266) 58 771 507 / 62 771 507  
subeditor@moeletsioabasotho.co.ls

#### Advertising

Thabo Lesaoana  
(+266) 28 350 466/ sales@moeletsioabasotho.co.ls

#### Newsroom

Nthabeleng Seithleko 57 665 038/ 68 216 721  
nthabeleng.seithleko@moeletsioabasotho.co.ls

Tšelis Thakholi (Sports) 58 540 853/ 63 480 404  
tseliso.thakhuli@moeletsioabasotho.co.ls

newsroom@moeletsioabasotho.co.ls

#### Production Desk

'Mateele Liqa, Sr. Canicia Nthunya

oa Linaha tsa selekane (SADC) o ileng oa thonya Dr. Prasad New Zealand ho tla ka maoala a ka thusang eaba o khotha- letsa tlhopho-bocha. A re ka selemo sa 2014 'Muso oa Lesotho o ile oa nka leeto ho ea New Zealand ho ithuta ka litaba tsa 'muso oa kopanelo le hore e ka hlophuo bo- cha joang, eaba ka sele-

e kenyelelitse bohle ho sebetsana le meralo ea tlhopho-bocha, e ileng ea bitsoa National Dialogue Planning Committee (NDPC) eaba ka tšebeliso 'moho le komiti ena ABC ea bitsoa 'moka oa baetapele ba sechaba. A ipiletsa ho litho tsa habo ho elelloa bohlokoa ba tlhopho-bocha, kaha e le molemong oa Basotho.

# TK o thoholetsa LDF

## Nthabeleng Seitlheko

**M**olaoli oa Sesole sa Lesotho (LDF) Lt. Gen. Mojalefa Letsoela, o lebohile Masole ohle a ileng a e hlanaka Naheng ea Mozambique, ka le reng ba sebelitse ka bokhabane. Litaba tsena li hlaheletse puong ea hae, ka la 31 Phupu monongoaha, phanong ea likhau. O re ts'ebetso eo e ne e qale ka selemo sa 2021, tla-

A re ba ile ba fuoa thomo ea ho boloka khotso 'me ba entse mosebetsi ka boitelo bohle, ka hona o leboha masole ohle le ts'ebeliso 'moho le hore puisano ea bona e ts'oane le sesole se seng.

Ho sa le joalo Tona-Kholo Samuel Ntsokoane Matekane, o bonts'itse hore e ne e le lekhetlo la pele LDF e kena mosebetsing o joalo lilemong tsa morao tjena. Leha ho le joalo, o re e sebelitse ka bokhabane bo tsotoang ke linaha tse ling, 'me Nangade le

A ipiletsa ho Basotho ho sireletsa naha ena e se fetohe khapha ea mali, kaha e se e baloa hara tse peli tse tummeng ka lipolaeano. A re joalokaha nahan e e-na le Litsi tsa Ts'ireletso ho laola maemo a litlolo tsa molaoa bohle ba lokela ke hona hore ba phelisane ka khotso.

A re 'muso o na le boikarabello ba ho ntlafatsa sechaba hore se utloe se bolokehile, 'me ha boemo bona bo fihletsoe, se tla tseba ho tsoelapele ebe bophelo le moruo le tsona lia ntl-



sa lefifi le letšo ba sa tsebe hore na ba ea hokae, 'me ba ile ba tsamaea kahar'a mahlomola le tlokotsi, ho ea loantša bokhukhuni naheng ea Mozambique joalokaha Lesotho e le karolo ea Linaha tse Kopananeng (SADC). O hlalosa hore Lesotho le ile la fihla morao 'me la fetisetsoa moo ho hlileng ho le thata, empa o na tseba hore le ke le bolao ke sera.

tikolohong ea Cabo Delgado, moo bahlabani ba neng ba e hlanaka teng, kajeno sechaba se neng se se se le naha thotho se balehile mahae, se lutse malapeng a sona, bophelo bo boetse setloaeling, se tseba ho lema masimo a sona. "Re le rolela khaebana bahlabani ba Moshoeshoe, ke ka bohale, bonatla le boitelo ba lona tsena tsohle li phethahetseng." A rialo.

afala. O itse o na le tšepo ea hore ha ho Mosotho ea thabelang maemo ana ao ho pheloang kahar'a ona, ka hona ka kopanelo bohle ba hlole lira tsena tse lukang khotso ea Basotho.

O itse ho Molaoli ba teng joaloka 'muso, ho mo tšehetsa ka hona a tsoelepele ho ba tsebisa tsohle tse hlokalang hore tšebetso ea banna le basali bana e tsoe matsoho.



# O thusa baroetsana



## Tšeliso Thakholi

**K**Manala Mahlala o thakhotse morero o moholo oa ho thusa banana kahar'a Setereke sa Quthing, ka ho ba rekela mesangoana (pads) e sebelisoang nakong eo ba bonang matsatsi a bona a boroetsana. Tsena li etsahetse mabaleng a Kereke ea East Sepala Methodist, Quthing ka la 28 Phupu 2024.

H'a nehelana ka mesangoana ho banana ba ka bang 40, o hlalositse hore o ne a ile a qholotsoa ke ba bang ba barutoana ba Sekolo sa Mathomo sa Maqokho, h'a ne a etetse sekolong moo hore boemo ba bona ba bohloeki ha bo botle, ha ba ile linakong tsa bona. A re ke ha a tla qala khakolo ea morero ona oa ho fana ka mesangoana molemong oa ho boloka bohloeki le bophelo bo botle.

A re ho feta mona, a mang a mabaka a mo qhololitseng ho nehelana ka limpho tsena ke ho bona banana ba hola ba e-na le boitšepo, ba tseba hore bohloeki, tlhomphe le ho ba le seriti ke tsona tse bopang boitšepo ba bona. A re liqholotso tsa tlhokahalo ea mesangoana li etsa hore bana ba banana ba se ke ba ithuta hantle le ho sia sekolo ka lehare ka linako tse ling. Ka hoo a bontša hore o utloa ho hlokalaha hore ba thusoe le ho atameloa ka hlomphe e kholo.

A re boitšepo le bohloeki ke lintho tsa bohlokoa tseo banana ba lokelang ho hola ba e-na le tsona ka linako tsohle. "Lintho tsena li qala ka ho ba le lisebelisoa hobane bohle rea tseba hore ha ngoana oa ngoanana a ile linakong tsa hae tsa bo-

roetsana, haholo-holo h'a se na letho oa sulafalloa ho ba h'a tsebe hore na a ka ipata joang." A rialo.

A re taba ena ha e ba-kele banana bothata feela, empa le litichere lia ameha kaha banana ha ba tle sekolong kaofela, 'me le ba tileng bothata e ba bohloeki. "Litaba tsena tsa tlhokahalo ea bohloeki ke lerumo le hlabang litichere habohloko hobane ho ruta ngoana ea sa hloekang ha se ntho e monate." O boletse joalo. A phethela ka hore joalokaha a se a thakhotse morero ona, e se e tla ba oa selemo le selemo ho fana ka limpho tsena ho banana likerekeng le likolong ka ho fapakana ha tsona.

E mong oa banana ba fuoeng limpho, Nthabiseng Mohale o itse o ikutloa a thabile haholo kaha ha linako tsa hae li fihla o ne a sulafalloa ka lebaka la bohloeki. "Ka nako e 'ngoe ke ne ke qeta beke ke sa ee sekolong." O boletse joalo a bile a isa teboho e khethelileng ho mofani. A mo kopela katleho le mahlohonolo ho Morena Molimo hore a mo eketse ha lekholo.



# RE TŠEHETSA BACHA



## Tšelisio Thakholi

**E** mong oa bacha ba holetseng kahare ho temo ebile e le mohlahisi oa tlhapi e bitsoang Trout, Khaolo Ramarumo o qolotse mokhoa oa khoebo ka thekiso ea litlhapi e le oona o bonolo ho feta eohle eo bacha ba ka tšabelang ho eona toantšong ea tlala, tlhokahalo ea mesebetsi le bofuma. Ramarumo o thehile polasi ea litlhapi e bitsoang Ramarumo Fish Farm. Nakong ea ho feta ho ile ha tloaeleha litlhapi li fumaneha maoatleng, matšeng le linokeng feela. Empa kajeno Ramarumo ke mocha oa pele oa naha ena ea nang le polasi e kholo moo a ahileng matamo, bakeng sa ho ruha litlhapi.

Bophelo ba litlhapi, kholo

le ho ata ha tsona ho itšetlehile feela metsing. Hona ke ho bontša hore litlhapi li ke ke tsa phela hantle kantle ho metsi.

### U qalile neng ka leruo la litlhapi?

Litlhapi haesale e le ntho eo ke e ratang ho tloha ke sa le monyenyanane ho fihlela ke ba ke qeta Sekolong se Phahameng. Haesale ke phela ka litlhapi kaha re ne re li cheha nokeng le ngoan'eso re li rekisa. Ka selemo sa 2019 ke ha ke qala ho hlokomela le ho baballa litlhapi kaha le tsona li baballetse bophelo ba ka.

Ka qala ho theha polasi e bitsoang Ramarumo Fish Farm, motseng oa Liphokoaneng Seterekeng sa Thaba-Tseka. Ke hona moo re baballang tlhapi, molemong oa ho e atisa, ho e hlokomela hore e hole

hantle, ho e sireletsa lireng tsa eona tsohle, ho li fepa

hlahisa tlhapi ea boleng bo holimo kaha e hola tlasa

bo-mong.

### Bokamoso ba



hantle, ho li kotula le ho li rekisa ha li se li hotse hantle le ho etsa bonnete ba hore re tšela lenane le nepahetseng la litlhapi.

### U ruile mefuta efe ea tlhapi?

Ha ke qala polasi ena ea litlhapi ke ile ka etsa lipatlisiso ka mefuta ea litlhapi tseo re nang le tsona kahar'a naha. Litlhapi tse teng ke Common Carp, Cat Fish le Trout, empa rona re ruile mofuta ona o tumeng haholo Lesotho mona oa Trout. Ke eona tlhapi e fumanehang ka bongata Naheng ea Lesotho. Re

maemo a tlholeho. Ke eona e ratoang haholo ho ba ha e na litlamorao tsa letho.

### Mokhoa oa ho e fepa ke ofe?

Kahar'a metsi ho na le likokoanyana le litlama tse joang ke litlhapi. Re atisa lijo tsena ka ho sebelisa lihlahisoa tse haufinyane ho fepa litlhapi tsa rona.

### Tlhahiso ea tlhapi

Ka khoeli bonyane re ntse re ntša litlhapi tse 800 ho isa ho tse 1000.

### 'Maraka

Re li rekisa likhoebong tse kholo tsa Basotho. Re boetse re li rekisa ho batho ka

### khoebo

Ke lakatsa ho bona khoebo ena e holile, re se re atleha ho romella tlhapi kantle ho naha. Ke rata ho eketsa tlhahiso, ke ruoe litlhapi tse fetang 30,000 ka palo. Ka hona ke entse kopo ea ho ruoela litlhapi tsa ka matamong a Morero oa Metsi a Lihlaba.

### Keletso ho bacha

Bacha bophelo bo teng tlhahisong ea leruo la litlhapi, ka hona nako e fihlile ea hore re ithutele ho ba bahlahisi, 'me ka litsebo tseo re nang le tsona re tsebe ho itlhalisetsa mesebetsi.



Galaxy A13

# 'Muso o sebelisa M31, 000 000.00

## Nthabeleng Seitlheko

**T**ona-Kholo Samuel Ntsokoane Matekane ka kopanelo le Letona la Matla Prof. Nqosa Mahao, ba thakhotse phepelelo ea motlakase Ha Noha, Mantšonyane, ka la 26 Phupu monongoaha.

TK o supile hore kanetso ea motlakase malapeng e sa le tlaase kaha e le 54%, ka hona ba itlamme ho fetola boemo bona e le ho nolofatsa bophelo ba sechaba hobane motlakase ke tlhoko ea mantlha mehleng ena. "Ka thoko ho mona, re anetsa motlakase hore re ikamahanye le meoloane ea machaba ea ntlafatso ea moshoelella hore ka selemo sa 2030 batho bohle ba be ba hoketsoe motlakase." A rialo.

Sena ba tla se fihlela ka ho tšehetsa Lekala la Matla ka lichelete ho tsoa mokotleng oa 'muso, esitana le ho metsoalle ea naha ntlafatsong (Development Partners). O re b'a bonesa ba leleka lefifi le tsohle tse bolutu tse tsamaeang le lona.

Morero ona oa Ha Noha o akaretso metse e ro-

bong: Ha Noha, Khohlong, Ha Cheche, Lekhalong, Ha 'Mutlanyana, Lihloaeleng, Thoteng, Ha Rankomo le Ha 'Muso. Mosebetsi oa bobeli ke ho thakhola morero oa phepelelo ea motlakase oa selemo sena sa lichelete kahar'a naha.

A re ke hona qaleho ea mosebetsi oa 'muso oa ho bonesa naha ka ho isa motlakase metseng ea Basotho. "Ke lumela hore bohle le lemohile ha lekala le mema boramesebetsi (mekonteraka) ho iketela ho tla phetha mosebetsi ona. Ba fumaneng mosebetsi ba file bana ba bang ba Basotho ho tšoarisa matsoho. Ntho eo ke eona eo 'Muso o ikanang ka eona, e leng ho isa litšebeliso sechabeng, bophelo ba sechaba bo fetole." A rialo.

O re leano la 'muso phepelelo ea motlakase, ke ho sebelisa bahoebi ba ikemetseng ba Lesotho, 'me morerong ona ho ne ho sebetsa Lesehe Construction. A re taba ea hore ha mesebetsi ea nakoana e hlaha mokonteraka o ile a e fa sechaba sena sa Ha Noha, ke ea bohlokoa 'me rea se lebohela.

Ke malapa a 540 a hoketsoeng motlakase, Likolo tsa Mathomo tse peli, Sekolo sa Bana ba Likonyana le mote-

bo oa sepelesa. A ipiletsa ho sechaba ho baballa thepa e le hore hamorao ba se ke khutlele sebakeng se tšoanang ho tla e lokisa.

Lichelete tse sebelisitsoeng morerong ona ke M31, 000 000.00, 'me ka kakaretso ke metse e 102 e tla khola litholoana tse hlabosang ka katoloso ea leifo la motlakase o tloaelehileng (Grid extension). Mokhoa o mong o tlang ho sebelisoa ke oa ho aha litsi tsa phelelo ea motlakase tse ikemetseng (Mini-grids) ho sebelisoa letsatsi.

A re litereke tse ka maloting ke tsona tse tlang ho fumana tšehetso e kholo, ho latela boemo bo teng tabeng tsa khokelo ea motlakase.

O itse ke malapa a etsang linoko tse 11% a nang le motlakase ka maloting ha ka mabalane e le 70%, ka hona ho ntse ho ahoa Mini-Grids tse 10 literekeng tse hlano, metseng e ka loting, 'me ke metse e ka bang 150 e tlang ho ameha. Ka hona ke malapa a 9,000 a tlang ho una molemo, ho kenyelisa likolo, Litsi tsa Bophelo le metebo ea sepelesa.

A re Seterekeng sa Thaba-Tseka ke metse ea Mashai le Sehonghong 'me ka ho tšoana ho na le morero o tšehelisoeng ka lichelete ke Banka e Kholo ea Lefatše, 'me le ona o tlo thusa ka khaho ea Mini-Grids tse 10 libakeng tse ka loting moo malapa a 14,500

a tla una molemo.

Letona la Matla Prof. Nqosa Mahao, o itse ba lokela ho batalatsa mabala, le litsi tsa tsamaiso le melao li tsi-tse, 'me ba bua tjena setšoantšo sa molao oa matla se nchafatsang e seng e tsofetse se se le paramenteng.

O itse morero ona oa kanetso ea phepelelo ea motlakase o tšehelisoeng ka lichelete ke 'Muso oa Lesotho le balekane ba ona ntlafatsong ea naha e leng Lenane la Ntšetsopele la Machaba a Kopaneng (UNDP), Mokhatlo oa Kopano ea Linaha tsa Europe (EU), Ntlo ea Boemeli ea Manyesemane le Banka e Kholo ea Lefatše.



# Komiti ea banna ea RFP

## Nthabeleng Seitlheko

**M**oetapele oa Letšolo la Ntlafatso ea Moruo (RFP), Samuel Ntsokoane Matekane o kopile komiti e ncha ea banna ho sebetsa ka thata ho holisa RFP le ho sebetsa ntho tsohle ntle ho khethollo. Tsena li hlaleletse puong ea hae h'a koala seboka sa

khetho ea Komiti ea Naha ea Banna, ka la 27 Phupu monongoaha.

O ipilelitse ho litho ho nena seeso-oeso hape ke tšepo ea hae hore li tla etsa mosebetsi ohle ka ponaleto, empa li tsebe hore boetapele bo hloka mamello, lerato le kutloelo-bohloko. A re li be mohlala o phelang ka khotso kahar'a lipolotiki tsa naha ena e bonahalang e qhephile haholo. A bontša hore qholotso e kholo eo a e bonang ke lipalo tsa banna tse phahameng litlong tsa molao, ka hona komiti

e kopanye banna ho theha likomiti tse tla hlola boemo bona.

Ka lehlakoreng le leng, Moetapele oa Komiti ea Banna ea RFP Limpho Tau o supile hore kaha a sa qale ho ba moetapele o ithutile tsamaiso ea litaba tsa lipolotiki, ka hona eena le bao a khethiloeng le bona ba ikemiselitse ho sebetsa ka thata ho aha, ho ntlafatsa RFP le ho thusa hore ba be le banna ba nang le bokamoso lipolotiking. O re ke ha ba kopane 'moho ba ka tsebang ho hlola mathata le lliqholot-

so tsohle tse tobileng banna kaha ba tla tseba ho thakelana ka malebela.

A re lipolotiki ha se ntoa, ba hloka lipolotiki tse nang le khotso empa tse behang litholoana le ntšetsopele ea naha molemong oa khotso, ha joale litaba tse etsoang ke banna ha li ba tšoare hantle empa kaha ba se bat la kopana 'moho bat la tseba ho qoqa le ho shebisana litaba ka tsela e tla aha motho e mong le e mong lipolotiking le molemong oa naha.

A re o lakatsa ho bona kholo le katleho ea RFP kaha ba ngotse nalane eo joale banna ba tla tseba ho shebisana litaba 'moho tse

amang katleho ea lekhotla, ntlafalo le kholo ea lona esita le bophelo ka kakaretso. O ipilelitse ho litho ho sebetsa ka thata ho ba ntsoe leng le ho boloka lekunutu la litaba tsa bona hore ba tsebe ho atleha.

Litho tsa Komiti ea Naha ea Banna RFP ke tsena: Molula-Setulo ke Limpho Tau,

Motlatsi oa oa hae ke Mokoheeng Lehohla, Mongoli ke Lebohang Letsoela, Motlatsi oa hae ke Ratjoetjoe Matsumunyane, Ramatlotlo ke Tau Shashape, Sebohli ke Molahlehi Molahlehi, Setho Moeletsi ke Makhabane Habi.

# Tšoaetso e theoha ka 78%



## Nthabeleng Seitlheko

**M**olula-Setulo oa Komiti e alosit-seng Litaba tsa HIV/AIDS Liteboho Kompri, o re maparamente a lokela ho nka karolo ho thusa ho fokotsa litšoaetso tse ncha tsa HIV le Lefuba (TB) ho thusa naha toantšoang ea mafu ana. Tsena li hlaheletse, tulong ea Ntlo ea Bakhethoa ka la 30 Phupu monongoaha.

O re Basotho ba bangata ha ba tsebe boemo ba bona ba tšoaetso ea HIV/AIDS, leha ho le joalo ba ntse ba thusoa ka litšebeliso tse tlang ho bona joaloka litlhare le tlhabollo. A re bacha ba lilemo li 18 le batho ba baholo ba lilemo li 49 ke bona ba tlokotsing kaha ho bonahala litšoaetso li ntse li hola lilemong tse tlaase joalokaha tleho ea selemo sa 2023 e bontša bana ba banyenyane ba ntse ba e-ba le tšoaetso.

O itse bana ba lokela ho qala tšebeliso ea litlhare ba le banyenyane 'me bona ba tšoaetsoa ke batho ba boholo, hape lipalo-palo li supa ha bo-ntate ba bangata ba kena likamanong tsa lerato le bana banyenyane ba banana, ka hona tsietsi e kholo ke hore bo-ntate ha ba tsebe boemo ba bona.

A re ho na le moo litšoaetso tse ncha li theohileng ka 78%, feela batho ba lilemong tse 15 ho isa ho 49 ba tlokotsing, 'me ntsha e 'ngoe ke hore bana banana ba

ba le bokhachane bo sa roang le mafu a likobo. A re bo-ntate ha ba ee litsing tsa kokelo ba ea ha ba se ba kula haholo, ka hoo ke 93% ea batho ba tsebang boemo

ba bona, 'me ba bang ha ba ikamohele ha ba bang ba sa lumele ho sebelisa litlhare. A bontša hore ho na le katleho litabeng tsa ho fetisa litšoaetso ho tloha ho 'm'a

ho ea ho lesa.

'Mamoipone Senauoane o supile hore bana ba bonahala ba le tlokotsing kaha litšoaetso li phahame ho bona, ka hona a khothaletsa litho tsa ntlo ho ea sechabeng ho khothaletsa batsoali ho hlokomelisa bana le ho ba sireletsa khahlanong le koluoa ena.

Motlatsi Maqelepo o itse thupelo ea litaba tsa HIV/AIDS e bohlokoa kaha ho emisa boemo bona e le tšebetso e kholo, 'me ke tokelo ea litho ho sireletsa sechaba litabeng tse. A thoholetsa tsela eo naha e sebelitseng ka eona le hoja ho ntse ho le thata kaha chelete e ngata e ntse e sebelisoa ho thibela lefu lena, 'me ha le ka theoha chelete e ngata e ka thusa litabeng tse ling tsa bophelo. A re ba lokela ho sheba ka thata sesosa se etsang hore e be bacha ba ntse ba tšoaetsoa ka lipalo tse ngata.

Tefo Mapesela o supile hore bofuma ke bona bo etsang hore e be bacha ba ntse ba tšoaetsoa ke lefu lena, ka hona a ipiletsa ho

beng ba litsi tse rekisang mothamahane ho khaotsa ho rekisetsa bana joala. A re Lesotho mona melao e lokela ho thatafatsoa ho sireletsa mahlatsipa haholo bana le basali. Le ha ho le joalo o itse ho ntse ho e-na le batho ba haelloang ke tsebo ka litaba tsa HIV 'me thuto e lokela ho ntšetsoa pele.

Letona la Bophelo Mohlomphahi Selibe Mochoboroane, o itse ka selemo sa 1986 e ne e le ha ho fumanoa motho oa pele kahar'a naha ea nang le lefu lena, eaba ka selemo sa 2004 batho ba qalella ho fumantšoa litlhare ho hlola boemo bona. A re ho na le nako eo Lesotho le ileng la pasa litabeng tsa liphelelo tsa machaba tsa 90, 90, 'me ha e-ba le mokhahlelo oa 95, 95, 95 le teng la pasa. Ka hona ba lokela ho sebetse ka thata hore bo-ntate ba hlahlobe hore naha e tsebe ho fihla mokhahlelong oa 99. A re qholotso e 'ngoe ke litšoaetso tse phahameng likamano tsa lerato tsa bo-ntate ba boleng bo le bong, ka hona a ipiletsa ho maparamente ho fetisetsa thuto sechabeng.



**ECHOES OF**

# BASOTHO NEW YEAR



**SAT 03 AUGUST 2024**  
**PINK HOUSE (ADDIXION PUB) MAFETENG**

**M30**  
ENTRANCE

**M40**  
AFTER 10PM

**MCS : LADY TERAH & DRAMA QUEEN**  
**LINE UP : RICHARD // DIDI // RAAH // MUHJESTIC // DJ ZERO // CARTOLLO //**  
**BEARD BOY // THANDOGG // TIKO TIKO // MATATA DJ // BUNANI DJ**

**FOR MORE INFO CONTACT : 66160009 / 51934769 / 63172559**

# Sechaba se khaotse



## Nthabeleng Seitheko

**M**orero oa ReNOKA 'moho le Mafapha a amehang

Litabeng tsa Lihloliloeng o etetse sechaba sa Ha Mohale Tikolohong ea Tene-solo ka sepheo sa ho ba hopotsa ka bohlokoa ba paballo ea makhulo, mekhoa-

bo le mehloli, kamora hore balisana ba chese makhulo sebakeng seo. Tsena li bi le ka la 28 Phupu monongoaha.

Motseko Motšetše ho hla-

ha ReNOKA o itse makhulo a bohlokoa kaha e le libaka tse bokeletseng boieane ba tlholeho ho thusa tikoloho e nonneng, pokello ea metsi le joang bo ntlafetseng. Ka

hona o re ho chesa libaka tsa mofuta ona ke ho hlobolisa naha, ho senya lintlafatso le ho bolaea boieane ba tholeho haholo joang bo nonneng bo thusng kholong e nepahetseng ea liphoofo. A re sechaba se nke boikarabello ba ho baballa tikoloho ea sona le ho thibela litlolo tsa molao.

E mong oa baahi 'Makemelo Setlaba, o supile hore ketso ena e ba nyarositse kaha ho nkile matsatsi a mane ho ntse ho tuka, ka hona a re ho shoa ha makhulo ke ho bolaea bophelo ba sechaba le liphoofo kaha metsi a kolla mekhobong. A re ho sa tsotellehe ba rutoa joang empa ho ntse ho e-na le batho ba sa soabeleng ketso ena ba nang le merero e mebe ea ho senya lintlafatso.

O re sebaka se cheleng ke sona se ba thusang ho ba le metsi le ka nako ea komello, ka lebaka leo ba ipotsa hore na ba tli' phe-la joang. A ipiletsa ho beng ba liketso tsena ho khaotsa kaha ho sa amehe motho a le mong empa ho ameha sechaba nakong ea tšotleho le tšokolo.

Moifo o hlalositse hore tšenyho e bileng sebakeng sena e kenyeletsa ho khaoloa le ho hlahlathoa ha lipeipi tse hulang metsi mokhobong ho a isa lipompong le moo ho noesoang liphoofo teng.

Mosiuoa Thoha ho tsoa Lefapheng la Lihloliloeng o itse ho na molao o ba lumellang ho isa batho bohle ba molato Makhohleng a Molao, ka hona a eletsa sechaba ho khoa mesebetsing ena e soto e senyang bokamoso ba naha empa se sebeletse ho amohela le ho ananela lintlafatso tsa tikoloho. A re ho chesa ho bolaea manoni a tikoloho le mohloa o ka tsebang ho ata sebakeng seo ho tšoarella metsi.

A boela a re ho bolaea boieane ba tlholeho joaloka liphoofo tse phelang libakeng tsena tse seng li sa fumanehe, ka hona ke nako ea hore batho bohle ba hlokomele libaka tseo ba phelang ho tsona kaha ho le molemong oa bokamoso ba sechaba se tlang hore se fumane Naha ea Lesotho e na le boleng.

# Masaka a mela mohloa

## Nthabeleng Seitheko

**B**aahi ba Lihloaeleng Thaba-Tseka, ba re 'muso o sebetsa ka thata ho ba tlisetse lintlafatso empa bosholu ba liphoofo bo nonyetsa litaba tsa bona tsa boipheliso hobane ke tsona tse ba thusang ho phela le ho kenya letsoho moruong oa naha. Ba boletse tsena puisanong le Koranta ka mohala, ka la 30 Phupu monongoaha.

E mong oa barui ba Leruo la Farelane le Seiboko Seabata Tjamela, o bontšitse hore ke ka makhetlo a utsoetsoa liphoofo 'me haufinyane o ile a utsoetsoa likhutšoane tse 20 ka hona ha li ntse li tsoelapele ho utsoa u tlo qetella a sitoa ho phelisa lelapa la hae.

A re masholu a bonahala

a tsoile letšolo ho ikhaphela liphoofo tsa bona 'me joale ntho e bohlokoa ka ho fetisisa ho se ho sa amehe liphoofo feela le bophelo ba bona. O re 'muso o tlameha ho sebetsa ka thata ho matlafatsa mahokela le likomiti tsa bona tsa metseng ka lisebelisoa tsa ho itšireletsa khahlanong le ketsahalo ena, kaha bao ba nka monyetla ka tlhokahalo ea lisebelisoa.

Seahlolo Ntaote o bontšitse hore bosholu ba liphoofo bo atile, hoo bo seng bo ama le tokoloho ea bona, ka hona ho bohlokoa hore Naha ea Lesotho e loanele kholo le ntlafalo ea tšireletso ea liphoofo hobane ba iphelisa ka tsona.

"Re fetohile mafutsana le mekopa-kopa hobane liphoofo tsa rona li ikhapheloa ke masholu." ke Ntaote eo.

O entse kopo e ikhethehileng ho 'Muso oa Lesotho ho etsa melao e ba thusang ho sireletsa mehlape ea bona, e le hore baetsi ba liketso tsena ba nkeloe likhato tse matla tse tla tšabisa bohle ba senyetsang sechaba ho etsa litlolo tsa molao.

Mokanselara oa Lihloaeleng Sentsi Komane, o bontšitse hore sechaba sa habo se phela ka thata ke bosholu ba liphoofo, hape ba bang ba bolaoa le ke masholu ebe bana e sala e le likhutsana. O itse boholo ba malapa bo ne bo e-na le liphoofo empa a mang masholu a li nkile kaofela. Ka hoo o re ketsahalo ena e nonyetsa lintlafatso kaha 'muso joale o tlameha ho pholosa malapa a mangata a tlokotsing e ipakeloang ka boomo ke masholu.

O kothalelitse 'muso ho

sebetsa ka thata ho ntlafatsa melao e thusang hore bosholu ba liphoofo e tle e be pale ea maobane, hobane Basotho ba lokela ho phela ka boiketlo naheng ea habo bona.

Hosale joalo, Advocate Lekhetso Rakuoane o fetisitse sehloathiso sa molao oa bosholu ba liphoofo ka la 30 Phupu monongoaha, moo a kothalelitseng hore likahlolo ho motho ea fumana a utsoitse liphoofo li be matla, 'me motho ha fumana a le molato a se ke a fuoa monyetla oa beili empa a lule ka Setsing sa Tlhabollo ea Batšoaruoa lilemo tse 20. A re ho se ho tla bitsoa bohle ba amehang litabeng tsena ho bona hore ba kenya letsoho joang hore sehloathiso sena e tle e be molao o tla sebelisoa, e le ho matlafatsa likahlolo Makhohleng.

# Tsa le nyaea la koloba-Ramoeletsi

## Nthabeleng Seitlheko

Letona la Toka le Molao Mohlomphehi Richard Ramoeletsi, o re batšoaruoa ba hlokoalitsong ke li- ofisiri tse neng li le koetlisong ea Setsi sa Tlhabollo ea Batšoaruoa (LCS) ba tsoile likotsi tse mpe. O boletse tsena ka la 29 Phupu monongoaha, kapel'a Komisi e ntseng e etsa lipatlisiso litabeng tsa ho otloa le ho kakatoa ha batšoaruoa, ho etsahetseng litsing ka Tšitoe ngoahola.

Letona le bontšitse hore le ile la nyarosa ke likotsi tsena moo a totobalitseng hore e mong oa batšoaruoa ba otloa le ho kakatoa Litekanyo Nyakane, o ile a ba bolella hore batšoaruoa ba ntšitsoeng likotsi tse mpe ke ba ntseng ba le ka moo ba lulang, nakong eo ba neng ba il'o hlahloba boemo. A re o utloetse hore ho na le ea timetseng ka lebaka la tlhokofatso, empa h'a ka fumana tlaleho liofisiri esale li thotse.

O itse o ile a feroha libete nakong eo a bonang batšoaruoa ba neng ba katiloe ke liofisiri tsa LCS, moo a ileng a laela hore bao ba isoe setsing sa kokelo.

O re ho fihlela ha joale ha e-s'o fumane tlaleho e ngotsoeng malebana le litaba tsa ho thoba ha batšoaruoa chankaneng ka Mookameli e Moholo oa Lichankana. O re seo a se fumaneng ke litlaleho tsa molomo feela le ka mohala oa thekeng, tseo a neng a li fuoa ke Mookameli oa Litsi tsa Tlhabollo ea Batšoaruoa. O re bookameli bo ne bo le lesitsho ho fana ka tlaleho ea lietsahala tsa ngoahola, hoo e ne e le sesupo sa hore LCS e pata litaba tseo.

O re bookameli ba LCS ha bo e-s'o behe sechaba leseling malebana le litaba tsena, ho bile ha etsa eena.

Ofisiri ea Lichankana Chief Officer Tololi Ratšele, o pakile hore ba bang ba batšoaruoa ba ile ba khakhathoa ke tse ling tsa li- ofisiri tsa LCS ngoahola, 'me tsena tsohle o li bone nakong eo a neng a fuoa taelo ea hore a ee le ofisiri chankaneng, ba il'o hlahloba libaka tsa bolulo kamor'a hore ho tlalehoe ho thoba ha batšoaruoa. A re ho thoba ha batšoaruoa ho etsahetse ka la 21 Tšitoe ngoahola, ha ho khakhathoa hona ho bile ka la 22 Tšitoe ngoahola. O re o ile a tloha le liofisiri tseo ho leba LCS, 'me ha ba fihla



ba kena liphaposing ka ho fapana ho thakhola letšolo la bona la ho ba batla.

Ratšele o re o ne a ntse a sheba mosebetsi oa bona 'me ha fihla phaposing

e 'ngoe a fumana liofisiri li nkile lithupa, li otlala batšoaruoa ka tsona, 'me a khalema taba eo a ba a li phutha matsohong a bona. A tiisa hore o ile a namolela

ba bang ba batšoaruoa ho liofisiri tsena, 'me a re ba bang ba bona e ne e le litho tsa sesole.

Tse ling tsa litho tsa sesole tse khakhathiloeng li

kenyeletsa Sebilo, Nyakane le Motanyane, ka hona ha bona taba ena e ipha matla o ile a tlalehela liofisiri tse ling hona LCS, 'me hang a laeloa ho emisa letšolo leo le ho laela liofisiri tseo ho khutlela setsing sa koetliso sa LCS.

Molula-Setulo oa Komisi, Moahloli Realeboha Mathaba o ile a botsa Ratšele na o ne a le kae ketsahalong ea la 21 Tšitoe ngoahola? O ile a bontša hore o tsebile litaba tseo ka e mong oa basebetsi 'moho e leng moqhobi le hore ha ka ba utloa sealuma se lla ho bontša hore bothata bo teng.

Komisi e ntseng e tsoelapele ka liphuputso e ne e theoe ka khoeli ea Motšeanong monongoaha, 'me eona e okametsoe ke Moahloli Realeboha Mathaba, ha litho e le Adv. Kelebone Maope, Monghali Mojalefa Thulo, ea ikarabellang litabeng, lipaki e le Adv. Makhele Sekati eo e leng Motlatsi oa Ramolao e Moholo.

## BMDF e tsoile letšolo

### Tšeliso Thakholi

Mokhatlo oa Ntšetsopele oa Bothata Mahlala Development Foundation (BMDF), o ile oa tsoa letšolo ho potoloha le mabatooa a mane a Setereke sa Quthing e leng Moyeni, Sempe, Mt. Moorosi le Qhoali ho fana ka mpho ea lieta tse 4,000 ho barutoana ba likolo tsa mathomo tse fapakaneng tsa mabatooa ao. Lebatooa ka leng le abetsoe lieta tse 1,000.

Morero ona o moholo oa phano ea lieta Setererekeng sa Quthing o qalile ka selemo sa 2022 moo Sekolo sa Mathomo sa Maqokho tikolohong ea Sebapala se ileng sa aheloa phaposi ea ho rutela le phano ea lieta ho barutoana. Ka selemo sa 2023 likolo tsa lebatooa la Mt. Moorosi li ile tsa abeloa lieta tse 1,000.

H'a nehelana ka limpho tsena mothehi ebile e le moetapele oa Mokhatlo, Monghali Bothata Mahlala o boleletse sechaba le barutoana ba sekolo hore se ileng sa mo qholotsa ke lerato la Morena Molimo leo a reng le qetile pelo ea hae. A re lefatšeng mona motho ka mong o na le seo a ka fanang ka sona se ka thusang ngoana ea hlokoang.

"Ke kopa ho jala molaetsa oa lerato kajeno, oa hore re se keng ra lumellang



hore batho ba fete kahar'a mathata kapa liqholotso tsa bophelo, empa ho e-na le lintho tseo re ka li etsang hore re ba thuse. Ho thusa motho ha se ho mo rekela lieta feela kapa ho mo fa chelete. Empa e mong le e mong o na le se matsohong a hae seo a ka thusang e mong ka sona." O boletse joalo a bile a ipiletsa ho sechaba sa Quthing ho etsa setereke sena hore e be se hlomphehang. "Me 'na boitlamo ba ka ha le ntumella ke re ha ke ntse ke phela ke tlii'o fetola Setereke sa Quthing. Selemo ka seng ho na le ntho eo ke tla etsa ho bona hore ke fetola setereke sena hoba se mae-mong a hantle." O boletse joalo.

A re tabatabelo ea hae ke ho bona lefatše e le sebakas se natefelang motho ka mong, 'me moo ho nang le litlhopheho tse sitisang hore batho ba phele ka khotso o lokela kena lipakeng ho

bona hore bophelo ba batho bo oa fetoha. "Ke ema mona ke fana ka molaetsa oa tšepo ho lona bana ba ka. Re lokela ho lula re ikokobelitse tlasa bonamelo ba maoto a Jehova."

Mokhethoa oa Lebatooa la Qhoali, Mathibeli Mokho-



thu o thoholelitse Mokhatlo oa BMDF ka mosebetsi o babatsehang oo e o etsang, oa ho tliisa pososelo baneng ba tlokoetsing ka ho ba fa mpho ea lieta. A re taba ena ea hore ebe Monghali Mahlala o fetohile nta'ta

likhutsana le bahloki ke ea bohlokoa haholo 'me oa e thoholetsa. A re letsoho le hlohonolofalang ke le fanang. A tiisa hore lehlohonolo le ea sebeletsoa ha le fumanoe feela, joalokaha Mosotho a re ha ho na tse fumanoang li tonositse, "re tšoanela hore re sebetse hobane ha re ea tšoanela ho ba bo-koba-liatla, etsoe matsoho a sebeletsa 'metso."

Hlooho ea Lekala la Thuto le Koetliso Setererekeng sa Quthing, Mofumahali Moipusi Motebang o lebohile le ho thoholetsa Mokhatlo oa BMDF ka mpho ena eo ba faneng ka eona. A itlama hore bona e le baalosi ba thuto seterekeng ka tšebeliso 'moho le litichere le batsoali ba tlii'o etsa sohle se matleng a bona ho bona hore thuto ea ntlafala Seter-

ekeng sa Quthing. Kamorao le ho potoloha le mabatooa, Mokhatlo oa BMDF o ile oa phethela leeto lena la bona ka phano ea moaho oa Kereke ea East Sebapala Methodist Church of Southern Africa, Ha Koali.





Puzzle MoB 92-4537

# MOB KIDDS

## EDUTAINMENT

### TLOTLONTSOE

|   |   |   |   |   |   |   |   |   |   |   |   |   |   |   |   |   |   |   |   |   |   |   |   |   |
|---|---|---|---|---|---|---|---|---|---|---|---|---|---|---|---|---|---|---|---|---|---|---|---|---|
| C | O | A | R | O | I | J | B | B | T | D | V | D | N | T | H | A | P | Q | R | D | I | P | G | V |
| A | S | M | R | T | F | H | J | U | U | C | T | T | S | I | O | L | T | N | A | E | E | S | I | E |
| S | Q | E | O | A | W | G | O | A | S | F | S | E | L | E | B | U | K | A | H | L | T | B | Q | C |
| E | B | A | O | H | S | E | L | Y | A | O | A | H | T | E | B | E | H | T | B | S | E | X | L | B |
| W | L | L | B | T | T | T | X | M | A | N | T | I | L | A | T | I | L | A | N | E | B | I | V | R |
| L | E | O | A | B | L | B | O | N | A | J | F | R | Y | S | E | D | A | V | D | P | E | I | W | J |
| L | R | M | H | P | N | O | A | M | E | S | M | O | H | P | M | O | H | L | T | A | S | Y | J | M |
| U | O | U | K | H | S | T | A | A | E | Y | G | Q | R | U | R | N | E | C | A | T | V | N | J | V |
| W | T | H | E | E | S | R | Y | N | V | A | N | V | T | E | A | K | A | S | E | L | N | B | Y | T |
| M | H | P | M | A | E | U | Y | M | A | T | H | E | A | L | I | R | A | J | E | A | O | S | S | F |
| N | O | E | T | N | M | A | N | G | A | E | T | L | T | B | K | U | Y | F | Y | P | N | M | J | F |
| T | L | S | A | H | M | S | E | L | I | A | L | I | A | N | E | R | O | M | N | A | K | I | U | T |
| D | I | T | H | O | K | O | L | E | D | I | T | H | O | T | O | K | I | S | O | T | T | L | F | E |
| G | T | W | K | O | L | N | P | E | J | R | R | N | Z | D | O | M | T | H | S | L | E | B | F | W |
| Z | E | B | J | V | E | O | N | A | Z | H | T | B | U | T | R | B | K | M | E | A | F | M | S | W |
| H | M | D | V | I | J | S | S | Z | N | M | S | W | S | S | N | O | U | K | F | R | S | M | B | J |
| S | A | X | Y | N | A | N | H | I | Q | M | J | A | S | E | H | V | H | D | Z | G | U | O | A | S |
| K | F | J | H | K | K | L | W | O | F | C | N | P | N | S | I | O | H | H | E | I | P | R | J | N |
| G | R | R | O | W | A | W | P | Q | E | E | Y | R | E | M | A | I | T | S | H | W | A | R | O | H |
| J | F | A | D | X | N | W | I | X | E | U | L | L | P | P | D | M | F | L | L | S | F | I | D | B |
| W | T | U | G | M | E | A | H | T | W | W | W | X | H | E | R | V | X | B | H | X | E | P | U | K |
| H | Z | U | X | C | P | Y | F | K | C | I | V | E | P | O | X | A | L | N | A | P | J | F | Z | Z |
| Y | A | N | A | O | S | A | R | A | H | E | L | X | C | E | S | W | B | G | B | Q | S | A | J | C |
| Q | L | O | T | T | V | C | T | P | T | A | Z | T | K | M | J | K | A | U | K | E | K | N | N | K |
| Y | D | N | Z | M | H | K | U | Y | G | Q | V | W | I | E | G | A | U | K | F | N | K | P | T | N |

**Lithoko le lithotokiso**

- Lefiso
- Lefokotsane
- Leharasoana
- Lejakane
- Lekhoaphela
- Lerotho
- Lerotholi
- Lesaka
- Leshoabe
- Leshokhoa
- Litema
- Maitšoaro
- Mangae
- Mantilatilane
- Mathealira
- Mekhabo
- Molala

**Morena**

- Moshoeshoe
- Motsara
- Ntsoana-Tsatsi
- Seanamarena
- Sebete
- Seea-ntlo
- Selia-lia
- Senyamo
- Seotloana
- Sepatlapatla
- Sephumola
- Tenye
- Thebetha
- Thomo
- Tlhakubele
- Tlhompho



# TSA KEREKE

## O keteka le Wach

**Staff**

**M**o p a p a Francis o kopane le baetapele ba bararo bao e leng litho tsa Setsi sa Kriste

ea Germany la pele la ICKSP, ea neng a keteka lilemo tse 45 tsa ho Boprista bo Halalelang ke Mopapa John Paul II ea Halalelang. Wach o tlalehoa e le setho se matla sa ICK-SP, ea phelang ho latela

a li t'sohla le litho tse tse tharo, mabapi le Sehlabele se Halalelang sa 'Missa oa Selatine, Setsi se tlalehoa se itse, "Mopapa Francis o ile a tsilallela hore re tsoelepele ho sebeletsa Kereke ea Morena Molimo, ho ea ka



Morena sa Sehlopha sa Batho ba buang Puo ea Selatine(ICKSP), moo a bileng a keteka 'moho le Moprasta Gilles Wach, eo e leng letsoalloa la Naha

semoea sa Francis de Sales ea Halalelang. Le hoja phatlalatso ea litaba ea ICKSP kamor'a kopano ena e sa ka ea bua ka tseo Rabalumeli a ileng

matla a rona le ka moea oa bonngoe, kopano, kutloano le teka-tekanano ea semoea.

-CNA-

### 2023-2024 SELEMO B

#### Sontaha sa 18 har'a selemo

**Exoda 16,2-4.12-15**

**Pesalema 77**

**Ba-Efese 4,17.20-24**

**Joannes 6,24-35**



#### Khothatso

### Eukariste, Bohobe ba Bophelo

Thuto ea Pele (Exoda 16:2-4, 12-15, 31) e bua ka ketsahalo e tummeng ebile eo ho seng motho ea sa e tsebeng, e leng manna a ileng a oa ho tsoa leholimong. Motho a ka botsa hore na hantle manna ke'ng? Ke ntho e kang makheha a linotši e neng e tsoa mefuteng e 'meli e fapakaneng ea likokoanyana, e ileng ea tuma haholo ka lebitso la 'tamarix mannifera.' E ne e hoamisoa ke moea o pholileng oa lehoatata bosiu ka hona e ne hloka ho phuthoa hoseng pele ho 08:30, pele e ka qhibiliha. Ka ho ea ka litlaleho tsa bo-ramahlale manna a neng a jeoa nakong ea Testamente ea Khale a ntse a le teng lefatšeng hofihlela kajeno.

Ka ho ea ka Evangeli ea Joannes (6:31-59) manna e ne e le letšoao la se tlang ho tla, e leng Jesu Kriste, Morena le Mopholosi oa rona; eena Bohobe ba Bophelo. Hape manna e ne le mofuta oa Eukariste e Halalelang ka sebele.

Paulosi eena Thutong ea Bobeli o bua ka se hloka halang ho nchafatsa moea; tlhokahalo ea ho ikapesa bocha, bophelo bo bocha bo bopiloeng ka tsoano le Morena Molimo. Khaolo ena e bolela phapano e kholo lipakeng tsa bophelo ba bona ba Sekriste le bohete. Paulosi o ba eletsa ho tlohela bophelo ba bona ba khale bo silafetseng 'me bo tletseng litakatso, e leng ba boemo ba Adama bo nang le bofokoli bo boholo ba nama bo bolaeang bophelo ba moea. (Ba-Roma 8:13; Ba-Galata 6:8)

Ho tlohela bophelo ba khale ebe motho o arapa bo bocha ho bontša hore mehleng ea khale motho o na hlobola liaparo tsa hae pele a hlatsuo, ebe ha tsoa ka metsi o apara tse tsoeu. Sena se ne se bontša phetoho e etsahetseng kahare, o tlohetse tsohle tsa khale 'me o sa apere Kriste ka sebele. Botho bo bocha bo bolela ho kenyeletsa Morena Jesu bophelong ba hau, eo e leng Adama e mocha (1 Ba-Korinthe 15:45). Taba ena e boetse e bolela hore motho o amohela seo esaleng Morena Molimo a se rerile ho tloha tšimolohong. (Genese 1:27)

Evangeli ea kajeno e bua mantsoe a batlang a tsoana le a moprofeeta Isaia moo a reng na hobane'ng batho ba sebelisa chelete ho se reke bohobe, le ho sebeletsa tse sa khoriseng. (Isaia 55:2-3) Bajudi ba ne ba tseba litaba tse na ka botlalo hobane ba ne ba lebeletse ho ithuta Mangolo a Halalelang ho tloha boeseeng ba bona. Kamora ketsahalo ea ho feptjoa ha batho ba likete tse hlano, batho ba ile ba rera ho etsa Kriste Khosi ea bona empa eena a baleha ho ea thabeng. (Joannes 6:15) Eaba bosiu boo o tsamaea le barutuoa ba hae ka lekunutu ho ea Kafernauma. (Joannes 6:16-21)

Batho ba ile ba mo latela hona teng hobane e ne e le sebaka seo a atisang ho ea ho sona, 'me Kriste ha arabe potso ea hore na o fihlile neng Kafernauma. Empa o ba bolella hore ba 'matla ka lebaka la ho ja le ho khora e se mehlolo eo a e entseng. Mona Kriste o hlokomelisa batho ho se bone matla a maholo a Morena Molimo a fetang a motho ka ho ngatafatsa mahobe. O tsoelapele ho re ho bona; "Se ka sebeletsang lijo tse bolang, empa le sebeletse tse le fang bophelo bosafeleng, tseo le tla li fuoa ke Mor'a Motho."

Bohle ha re leboheng Morena Jesu a ea re fileng mpho ea hae e leng Eukariste; Bohobe ba Bophelo bo re fang tsela, 'nete le bophelo.

### Bahalaleli har'a Beke

- 5 Phato Addal
- 6 Phato Agapitus
- 7 Phato Cajetan
- 8 Phato Marinus
- 9 Phato Nathy
- 10 Phato Blane



### Thapelo ea Basotho

'Mopi, Hlahlamacholo, Ramaseli, Rammoloki Atla li maroba, Atla li marotholi a pula, Atla li tsoeu tsa Rammoloki, Li tsoeu ke ho bopa masea, Hobane bohle re 'mopo le mosebetsi oa matsoho a ona. Hlahlamacholo hlahla metsi o'a etse keleli ea sehla sa Mariha, Hobane ka keleli u nchafatsa lichaba teng, Lichaba li tsoang ho uena 'mopong, Li tlang ho boela ho uena meahong. Ba meolimeololo, ba lumang lingope ho theleha. Ntšang tsoeu le nehe 'Mopi le tle le bone ha 'Mopi o thaba, Hobane Baholo-Balimo bona ba thabela likhalapa. Ba re ho be ho soeu, ho be malola, Ho be hele-hele pele le morao. Ho iloe kae ke Bo-ntate-moholo le Bo-nkhono ho sa keng ho khutloa, Ho iloe ha sekoti ha se tlale. 'Maakane joo! Ka 'Mopi ra le bona.

'Mopi oa Ramosholu-shololo litsohali Bo-nkhono ke bana ba labalabela matlala. Matlala b'a bona ka'ng a anetse, b'a bona ka ho theha mekhanya liphatleng tsa bona. Malataliana-tsela ngoana Rae e moholo ke mang, pitsana ha e na khobe, le e 'ngoe ha e na khobe. Qhaqholla u re qiti! Moshanyan'a sankatana le kholumo-lumo. Ho iloe kae ke bo-Mmabana, ba ile masimong.

Ba siile masea ka liotloaneng. Liotloana tseo ha li hole li sireletse masea. Ka bona Bo-ntate-moholo le Bo-nkhono ba lutse ka shoalane mollong le litlohotloholoana tsa bona ba li etsetsa litšomo tse monate;

Bo-limo le Tselane ka ba ka utloa ha ba ba etsetsa lillotho tse monate; bo-mmenthele o hlotse baruti.

**Leseli! Khanya!**

# Khalala e leba Hungary

**Tšelisio Thakholi**

**S**ebapali se tummeng haholo sa papali ea Chess Lintlle Molise ea lilemo li 19, o re o ike-miselitse ho tla le khau ea WCM h'a khutla lipapaling tsa machaba, Naheng ea Hungary tse tliil'o tšoaroa ka la 10 ho isa la 23 Loetse selemong sena se holimo.

Ke e mong oa ba atle-hileng ho ea litholisanong tsa Machaba tsa Budapest Olympiad kamor'a ho ip-abola lipapaling tsa chess tsa Monafilles Open, National Chess Championship tse neng li tšoaretswe BMI Seterekeng sa Berea ka Phupjane le Easter Open e bileng Lancers Inn ka Phupu monongoaha.

Lipapaling tsena tsa machaba tsa Hungary tikolohong ea Europe, khalala ena ea Lesotho e tšepisa sechaba sa Basotho tlhoho. O re h'a khutla Europe o tliil'o kene-la litholisanano tse ngata, tse kenyeletsang har'a tse ling, Eswatini Open le Lesotho Open, e ntse e le ho ntšetsapele talenta ea hae. Lintlle o boletse hore o qalile ho bapala papali ena ka selemo sa 2019 h'a le Sekolong se Phahameng sa Methodist a etsa Foromo Bobeli.

Ho kenela lipapali tsena o re o fumane tšusumetso ho tsoa ho sebapali se hloahloa sa papali ena, e leng Leba-joa Tshepe. "Kaha ke papali eo ke e ratang ho tsoa botebong ba pelo ea ka, ke ile ka ithukhubetsa ka matla a maholo ho eona." O boletse joalo. O re h'a ntsa a ithuta papali ena, o ile a hlahlelloa ka litsebo ke Leba-joa eo h'a joale a leng maemong a holimo haholo kahar'a naha ka papali ena.



Papali ena ho ea ka eena ha e tšoane le tse ling e bapaloa ho khutsitse, empa e monate e'a hlabolla. "E hloka motho ea hlokolosi ea tsebang ho etsa liqeto tse nepahetseng kapele." O re ntho e kholo eo papali ena e mo thusang ho eona

ke ho tsepamisa maikutlo lithutong tsa sekolo tse kang tsa Mahlale le Lipalo, ho ba le boitšoarole ho mo qobisa lintho tse ngata tse ka senyang bokamoso ba hae. Ho feta mona, o re e'a hlabolla le ho chorisa kelello.

H'a tsoelapele o re o ntse

a labalabela ho qothisana lehlokoa le libapali tsa Naha ea Botswana kaha a ithutile hore ke naha e kotsi haholo papaling ea Chess. O re papaling ea Chess motho eo a mo ratang haholo ke sebapali se kotsi haholo sa papali ena e leng Lieketseng Nga-

tana. Ke eena feela kahara naha ea seng a e-na le khau ea WFM (Women Fide Master). O qetella ka hore toro ea hae ke ho bona a ruta papali ea Chess le ho bona barutoana ba tsoang matsohong a hae ba iphelisa ka eona.

## Black Waves e'a keteka

**Tšelisio Thakholi**

**L**ibapali tsa papali ea Senuka li tliil'o tšoarara mokete oa semetletsa Ha Abia, Maseru mafelong ana a beke ka la 3 Phato monongoaha, ho tšoa ea lilemo tse 10 sehlopha sa bona sa Black Waves se thehiloe.

Mokoetlisi oa sehlopha Liteboho Janki o boletse Koranta hore ke lekhetlo la pele ba tšoara mokete oa

mofuta ona ho tloha esale sehlopha se thehiloe. O re hofihlela joale sehlopha se se ntšitse likoankoetla papaling ea Senuka tseo ba ikotlang sefuba ka tsona. Har'a tsona ho akha libapali tse hloahloa tse bapalang liking ea A Division tse kang Molefinyane Sonopo le Thato Ramoloi bao bobeli e seng e le bakoetlisi ba seng ba bile ba thehile lihlopha tsa ba lilemo tse 17 ho isa ho 20 tsa papali ea Senuka tikolohong ea Ha Abia.

O bontšitse hore mohla monene ho tla be ho le teng libapali tsa mehleng tsa sehlopha, tseo bahlophisi ba mokete ba hopotseng hore li tla ke li nkhisetsane mahafi, ka morero oa ho hlahlella libapali tse ncha ka malebela mabapi le papali ena. Ho tla boela ho be le lipapali tsa setsoalle tsa ba baholo le ba banyenyane.

O itse sehlopha sa habo kajeno se hotse, 'me se se e-na le libapali tse 20 ka palo tse ntseng li itahletse

ka setotsoana katlehisong ea papali ea Senuka Lesotho. A re ho fihlela hajoale ba ntse ba e-s'o ngolisi liking e kholo kaha morero oa sehlopha e le ho hlahisetsa lihlopha tse kholo libapali tsa papali ena. "Empa monongoaha re fetotse maoa, re batla ho tla ngolisa lihlopha tsa rona liking." A rialo.

A re ba boetse ba koetlisa bahlankana le baroetsana ba ratang papali ena, 'me tebello ke hore ba sebeletse ho phahamisa papali ea Se-

nuka kahar'a Naha ea Lesotho le ho tlela naha likhau lipapaling tsa machaba. Ho feta moo o itse sepheo se seng hape sa sehlopha sa bona ke ho phutha morolo o mocha literekeng ba o lahlele kahare ho selikalikoe sa lipapali. "Ka holimo ho tsohle, re tsoile letšolo ho khothaletsa baroetsana ho kena ka matla papaling ena. Ba utloisisa hore ke papali joalo ka tse ling, 'me e na le melao le melaoana ea eona." Ke eena eo.

# Se itokisetsa COSAFA

**Tšelisio Thakholi**

**S**ehlopha sa Naha sa Papali ea Bolo ea Maoto ea Basali sa Mehalalito se kene kampong ka 'Mantaha oa la 29 Phupu ho itokisetsa lipapali tsa Linaha tsa Tikoloho e ka Boroa ho Afrika(COSAFA) tse tlii'o tšoareloa Gq-eberha, Afrika Boroa ka Mphalane monongoaha.

Mokoetlisi Shalane Lehohla o qalile boikoetliso ka libapali tse 21 tekong ea hofihlela lenane la mapomela. Bekeng e hlahlamang eo, tebello ke hore mokoetlisi o tla fokotsa lenane leo la libapali ho ea ho 18, e leng lona lethathamo leo a tlang ho le phatlalatsa e le la mapomela la libapali tse tlang ho e hlanaka lipapaling tsena.

Hajoale mokoetlisi Lehohla o khethile lenane la nakoana la libapali ho hlaha liking e kholo ea Women Super League le lihlopheng tse ling tsa liki e ka tlaase, 'me le bopiloe ka libapali tsena; lithiba-thibane ke Makhabane Makibinyane (LDF Ladies), Thuto Maifo (Lijabatho Ladies) le Likopo



Manyobo (Mphaki Ladies).

Moleng o kamorao ke: Thato Mapepesa (LDF Ladies), Bokang Ntsane (LDF Ladies), Reitumetse Moleko (Manamela Ladies), Ntsoaki Molefi(Lijabatho Ladies), Mosa Makhanya (Kick4Life Ladies), Nteboheleng Ramotsoku (Mawese Ladies), Tšoanelo Leboka (LDF Ladies) le Karabo Chalatsane

(Bokamoso).

Moleng o bohareng ke: Mosele Pita (LDF Ladies), Moleboheng Moloji (LMPS Ladies), Lerato Mphou (LDF Ladies), Matšelisio Ntšasa (LDF Ladies) le Lerato Tsoinyane (Kick4Life Ladies).

Bahlaba-lintlha ke; 'Makhotso Moalosi(Berea Ladies), Phuzile Molefe (LDF

Ladies), Tholoana Tšoaeli (Villa Ladies), Moseme Khashane (Lijabatho Ladies), Reitumetse Namane (Kick4Life), Mone Letšoara(Hunters), Nthabeleng Potsane ( LDF Ladies) le Palesa Seturumane (Likila Ladies).

Ho sa le joalo Mokhatlo o Tsamaisang Bolo Lesotho (LeFA), o thakhotse thupelo

ea bakoetlisi ba lithiba-thibane ba 40 ba Tikolohong ea Litereke tse ka Boroa e leng Mafeteng, Mohale's Hoek le Quthing. Thupe-lo ena e qalile Bambatha, Maseru ka la 25 Phupu monongoaha, 'me barupeli ke Benghali Matsoai Shokhoe, Robert Mojakhomo, Isaiah Mosala le Lipheho Selai.

## Charity e leba Bokaota

**Tšelisio Thakholi**

**M**ookameli oa Lefapha la Thekiso le Lipapatso la Likampani tsa Executive le Maloti Cement, Monghali Makoa Semethe o re monongoaha lipapali tsa selemo le selemo tsa Charity Cup, li tlii'o tšoareloa habo Bantu Seterekeng sa Mafeteng ka khoeli ea Mphalane matsatsing a tlang ho phatlalatsa ha lithlopho li se li phethetsoe. O boletse tsena 'mokeng oa baphatlalatsi o bileng Boemelong sa Likoloi, TY ka la 30 Phupu 2024.

O boletse baphatlalatsi hore morero o moholo oa lithlophisano tsena ke ho holisa le ho matlafatsa papali ea bolo ea maoto kahare ho setereke sa Berea. A re e boetsoe ke ho nanabetsa letsoho ho thusa baitšokuli ba sebetsang ka 'marakeng oa TY ho ntlafatsa likhoebo tsa bona.

A re ngoahola ba ile ba qala ka lihlopha tse 'ne tse hlahang mekhahlelong e fapakaneng ea liki, e leng Mats'ora ho tsoa ho A Division, Amigos ho tsoa ho B Division le Lioli ho tsoa lihlopheng tse kholo tsa Premier League. "Lihlopha tsena ha li le joalo li ile tsa lumellana hore li meme motsoalle oa tsona e leng Bantu ho tla bapala 'moho." A rialo.

A re kamora ho mema motsoalle li ile tsa aroloa ho latela mae-mo a tsona, moo Bantu e ileng ea bapala le Lioli, 'me Mats'ora ea koebana le Amigos. "Lioli e ile ea hlola Bantu ea ikhapelala M1000,000.00 ha Bantu e ile ea fua M50,000.00. Athe Mat'soara e ile ea hlola Amigos 'me ea iphumanela M40,000.00 ha Amigos e ile ea fua M25,000.00.

A re kakaretso ea chelete e ileng ea bokelloa lihekeng mohla letsatsi la lithlophisano e bile M60,000.00, 'me



M10,000.00 e abetsoe Lehale Likhutsana la Berea, ha M50,000.00 e filoe baitšokuli ho ntlafatsa likhoebo tsa bona. A tiisa kaha Bantu e ne e ba etetse ba ile ba t'sepisa hore selemong sena lithlophisano li tla ea bapalloa Bokaota, e le hore sechaba sa Mafeteng le sona se tsebe ho una molemo. "Re phethahatsa t'sepiso ka ho isa lipapali tsena Bokaota. Ke bona ba seng ba tla li reha lebitso le ho hlopha lihlopha

tse tlang ho bapala." A rialo a bile a qetella ka hore morero ke hore lipapali tsena li potolohle le litereke.

Mofani e leng Monghali Lehohonolo Lephema o thoholelitse le ho leboha sechaba sa TY ka tšehetso eo ba e fumanang ho tsoa ho bona ka ho reka lihlahisoa tsa bona. A re ka lipapali tsena morero ke ho khutlisetsa molemo sechabeng kaha lipokello tsohle tseo ba ileng ba li etsa, nakong ea lipapali tse

fetileng ba nehelane ka tsona ho sechaba. "Re leboha ka ts'ehetso eo le ntseng le re fa eona." Ke eena eo.

Molula-Setulo oa Komiti ea Baitšokuli, Monghali Khosi Kethabelo o lebohile ts'ehetso eo ba e filoeng. A kopa bafani ho boela ba eketsoa kaha ba se ba le tsietsing e kholo ea ho putlama ha likhoebo tsa bona. A tiisa hore mpho ena e tlii'o sebelisoa molemong oa bohle ba tlakotsing ho se khethollo.

# The ball is always in our court

**M**ost of us if not all growing up had a dream of what we wanted to be. How many of us have reached that potential, are we there yet? Most will answer no to the questions above, we are not where we want, and we are not who we want to be. There is a reason for all that. In the process of life, as we lose ourselves, we give up on our dreams and listen to so many voices making neg-

ative noises, probably telling us why those dreams are never going to materialise. We share our big dreams with small-minded people, people who were never there when we had that dream but they are the ones we listen to. They dictate what professions we can study, and which friends we can keep. We are passengers in our own lives. People live their lives through us. We forget that we are the CEOs of our

lives, only if we can remember the world only follows the lead of those they can trust, we are leaders who should show people the direction, which we need our lives to follow. The idea of feeding what we do not want to be should never cross our minds. It is never too late to go back to where we lost it and re-group, feed that dream we always had, and be that person we always wanted to be. The magic lies in making a fresh start, it is in our hands to be that which we have always wanted.



# ELEGANCE COUTURE



## FABRIC THAT SPEAKS

### ELEGANCE COUTURE

CONGRATULATES ALL GRADUANDS OF 2024.  
 MAY GOD SHINE HIS LIGHT UPON YOUR WAYS  
 AND POUR HIS BLESSINGS UPON YOU ALL.  
 REMEMBER TO GET YOUR FULL GRADUATION  
 REGALIA FROM US AS WELL AS YOUR DESIRED  
 OUTFIT AT LOW PRICES.

**50% OFF**

**UNTIL AUGUST 2024**

**(ALL COLLECTIONS)**



**PHYSICAL ADDRESS:**  
**TRADORETTE BUILDING ROOM B22**

**WHATSAPP: +266 58524642**  
**FACEBOOK AS ELEGANCE COUTURE**  
**INSTAGRAM AS ELEGANCE COUTURE**

